

Châng Thlan: *Daniela 2:20.*

Bible Châng Thlûr Bing Tûrte: *Isaia 41:26; 46:8–10; Daniela 2.*

Thuhmahruai: Daniela 2-a hrilhlâwkna hian Babulon Lalram hun ațanga tâwpna hun thlenga khawvêl awm dân tûr tlângpui min hrilh a. Mahse, he inlârna pawimawh ber mai hi Daniela hnênah emaw, zâwlnei dang tu emaw hnênah ni lovin, milem be mite lal pakhat hnênah pêk a ni hlauh zâwk a. A châng chuan Pathian pawh hi mak angreng takin a che ve thîn rêng ania! Pathian chuan khawvêl chanchin kal dânah hian a rawn inrawlha ro a rawn rêl thîn bâkah, a faten mi mal taka harsatna an tawhte pawh hi a rawn ngaisak êm êm thîn bawk a ni.

Zirlâi Thupuite:

1. Mumang neihtûr a nih chhan. Pathianin Nebukadnezzara hnêna mumang a nihtûr hun hi Babulon lal thutthlêng a luah hnu rei vak lovah a ni a. Hetih lâi hun hi lalin a thuneihna sawh ngheh tuma theihtâwp a chhuah lâi a ni nghe nghe.

2. A mumang pawimawhna. A mumanga a thil hmuh hmanh hian Pathian chuan a hnênah khawvêla lalram hrang hrang lo ding tûr leh, Pathian chatuan lalram a lo din theihna tûra kawng kiantu tûrte chu a puang a ni.

3. Inlârnain a huam chin. He a mumang hian Babulon Lalram hun ațanga tâwpna hun thlenga khawvêla thil thleng tûr tlângpui a sawi a. Pathian chu khawvêla lalram/sawrkâr lo awm tawh zawng zawng chung a rorêltu leh thuneitu sâng ber a nihzia a puang a ni.

Nuna Bel Tûr: Nabukadnezzara mumang ațanga thil kan hriat pawimawh êm êm chu Pathian hnênah kan nun kan kawltûr thei tih hi a ni. Pathian chu finna leh thiltihtheihna hnâr a ni a. Daniela

ṭawngṭâina pawh chhângin Nabukadnezzara mumang kha a hmuhtîr ve a; tin, a hrilhfiahna pawh a pe nghâl bawk a nih kha. He Pathian hi chibai bûk ila, ngaihngam takin a rawng i bâwl tlâng ang u.

ṬHEN 2-NA: ZIR ZĀUNA

1. Mumang neihtîr a nih chhan

Nebukadnezzara hian a lal kum hnihnaah (B.C. 603) mumang mak tak mai a nei a. Hei hian kum indawt chhût dânah harsatna min thlen deuh avângin han sawi fel hmasak phawt pawh a ṭha âwm e. Daniela 1-ah khân Nebukadnezzaran a lal ṭan tirh kumah Judai ram a rûn thu kan hmu a. Khami ṭum khân Daniela leh a ṭhianta pawh Babulon lamah a hruai thla tel ve nghe nghe. Hêng Juda tlangvâl pathumte hian kum thum chhûng lehkha an zir tih pawh kan hre bawk. Daniela 2-ah hian Nabukadnezzaran Babulon ram pumpui a rorêl tûr leh Babulon mifingte zawng zawng chungah hotu ber ni ber ni tûra Daniela a ruat thu kan hmu a (*Dan. 2:48*).

Han chhiar thuak chuan, Nabukadnezzara lal kum hnihnaah Daniela hian kum thum chhûng beih tûr training kha a lo zo tawh sa ni maiin a lang tlat. A sawi fel dân ṭha ber chu, Daniela 1-a “kum khatna” tih hi Nebukadnezzara lal ṭantirh kum a ni ang. A hnuaia table hi han en la:

Daniela Training

Babulona a awm ṭantirh kum

A kum hnihna

A kum thumna

Nebuchadnezzarra Lal Hun Chhûng

Lalṭhutthlêng a luah kum hemi kum hian Judai ram a rûn a)

Lal tak tak a nih kum khatna

Lal tak tak a nih kum hnihna (hemi kum hian mumang a nei)

He chart hian Nabukadnezzaran lal a nihna anga a kum hman hmasak ber hi lalthutthlêng a luah kum anga chhiar niin chu chu Daniela saltân kum khatna nêen a inang ve leh chiah bawk. Hemi kum hian Nebukadnezzara chuan Babulon ram lalthutthlêng a rawn luah tan ve chiah a. Lal thar tân chuan tih tûr harsa tak tak a la tam hle âwm e. A dinhmun sawhngheh chu hna pawimawh hmasa bera a neih a tûl ang a, a lalthutthlêng rawn chuhpui thei âwm deuhte chu a tuk daih a tûl bâkah, a thuhnuaia awm lal têngau deuh dangte chu tihlungâwi a a ngâi bawk ang. Hetianga lalthutthlêng an luah kum hi helna leh lal nih inchuhpuina a thlen hun a ni rêng thîn a ni.

Chuvâng chuan, Nebukadnezzara pawh hian a lal kum hnihnaah khân a dinhmun sawhnghehna tûrin sipai chakna a hmang nasa hle mai a. Chutih lâi taka mumang mak tak mai a han nei bawk si khân a timangang êm êm mai ni tûr a ni. Hmân lâi mite chuan mumang hi lalte tâna chhiatna, anmahni paihlhâk tuma phiarrûkna leh an thihna hial pawh thlen theitu ni-ah an ngâi a. Babulon mite phei chuan an ngâi thutak zual êm êm a ni. Mumang hrilhfiáh dân tûr hrang hrang inziáhna lehkhabu pawh tam tak an tiang ûrh mai a ni âwm e. Mumang hrilhfiáh thiam pawh eng emaw zât an awm bawk a. Mi thiam pakhatin a sawi dân chuan, “Hmâsâng Bible ram (Near East) vêlah khân mumang hrilhfiáh theite chu mi thiam tak leh sakhaw hotu anga ngaih an ni thîn.

Berossus-a lehkhabu ziah, *History of Babylonia* tiha kan hmuh angin Mesopotamia ram mite khân mi thênkhat chu pathianten thil hriat theih bîkna thilpêk an kawltîr a, mahse mi pakhat hnênah thil zawnzawn hriat vek theihna an pe ngâi lo thung. Pathian aţanga chhuak hriatna chu pathian mite kal tlang lo chuan lo hriat ve ngawt theih a ni lo va. Enmeduranki chanchin hi tak tak ni-ah kan ngâi a nih phei chuan, Mesopotamia rama chêngte khân pathian mi thianglimte chauhin mumang an hrilhfiáh thei a, a chhan pawh anni hnênah hian a hrilhfiáhna pêk a nih

vâng a ni.”—Wendy Widder, *Daniel*, Story of God Bible Commentary (Grand Rapids: Zondervan, 2016), vol. 20, p. 47.

Amaherawhchu, hemi ÷um hi chuan mumang hrilhfiáh thiam tak tak nia an hriatte pawhin Nebukadnezzara mumang chu an hrilhfiáh thiam tlat lo mai a, a chhan pawh amah berin a mumang a hre chhuak thei tawh miau si lo atin ni. Babulon mi thiamte hian lal mumang chu hriat chhuahsak thei ta se chuan, ani pawhin an hrilhfiáhna chu a pawmsak ve mai ÷ur a ni a. Mahse, a mumang chu eng nge ni tih an hriatsak theih loh avângin a hnual ta êm êm mai a, chuvâng chuan an zavâia tihlum vek ÷urin thupêk a chhuah ta rup mai a ni.

2. A mumang pawimawhna

Nebukadnezzaran a hmuh milim hi thîr (metal) chi hrang hranga siam niin, chûng thîr chi hrang hrangte chuan khawvêla lalram hrang hrang lo ding ÷urte a entîr a, a hmasa ber chu Babulon niin a ÷awp berah Pathian chatuan lalram a rawn ding ÷awn ang. Hêng milim siamna thir hrang hrangte hi a lu lam aṅanga en thlâkin a hlu lo tial tial a; amaherawhchu, a khauh/khawng telh telh thung.

Ellen G. White-i chuan heti hian a lo sawi a: “Babulon Lalram, a hnua lo keh darh ta vek kha a tlûk chhan chu a hmuingîlna avângin an lalte an lo chapo a, Pathian tel lo pawha awm thei tho niin an inhria a, an ropuina kha anmahni mihringte hlawh chhuah ni-ah an ngâi bawk atin ni. Medo-Persia kha Vân thinurnain a rawn tlawh a, a chhan pawh an ramah khân Pathian dân rah beha a awm vâng a ni. A ram mipui tam zâwkte thinlungah LALPA ÷ihnain hmun a chang lo va. Suahsualna, Pathian hming sawi chhiatna leh hlemhlêtna a hluar êm êm mai a ni. Hêng lalram pahnihte hnua lo ding chhuak lalram dangte phei hi chu an ṅa lo leh zual a; thil dik leh ṅa thliarna kawngah hniam lam an pan thûk zêl a ni.”—*Zâwlneite leh Lalte*, pp. 501, 502.

Daniela hrihfhiahna-in a sawi ang hian hêng lalram hrang hrangte hi anmahni hun ðeuh zêlah rawn dingin, chu chu lalram dangin an rawn titlu zêl ang a, tlâng aţanga rawn lum thla lung lian takin milem a rawn delh keh veka, Pathian chatuan lalram rawn dingin lei pum pui hi a luah khat vek hma chuan lalram hrang hrangte hi a tahtawl tê tê-in an tlâwm chho zêl dâwn a ni. He milim hi hrawlin ropui hle mah se, kumhlun tûr erawh a ni lo tlat. A thuhrimin thil rintlâk tak tak lo leh inbelhbawm ða tak tak thei lo hlum leh thîr hmanga siam ke-a innghat a ni sí a.

He a mumangah hian Pathian chuan Nebukadnezzara kha a hriat chian êm êm a hmuhtîr a. Hmân lâi khawvêlah khân milim lian leh hrawl tak tak din an chîng hrim hrim a; mahse, chûngte chu mihring lim ni lovin, an pathiante lim a ni tlângpui hlawm. Hun pawimawh hrang hrangte entîrna atâna thîr lam chi eng eng emaw hman pawh hi Nebukadnezzara hun hma lam, entîr nân Hesioda (B.C. 700 vêl) hun lâi te pawh khân an lo chîng daih tawh a.

Chuvâng chuan, LALPA pawh hian Nebukadnezzaran a la hriat ngâi miah lo thuchah chu a hriattîr dâwn avângin lalin a lo hriat ðhan sa thil eng eng emaw a hman ta a nih hmêl. Hemi thu-ah hian a mumanga thil pakhat kha chu Nebukadnezzara la hriat ngâi miah loh a ni a, a chhan pawh Bible ni lovah chuan khawihah mah sawi lan a nih ve loh vâng a ni. Chu thil chu milim delh thlû a, leilung zawng zawng luah khat khawpa tlâng lian lo ni ta lungtum kha a ni. Lung leh tlâng tihte hi Bible hmun dangachte pawh kan hmu nual a, Isaia pawhin LALPA tempul awmna tlâng chu tlâng lian dang zawng zawngte chung a awm a nih thu a sawi (*Isa. 2:2, 3*).

Isaia 11:9-ah chuan Pathian tlâng thianghlim he lei hi LALPA hriatnaa tikhah a nih thu a sawi a. Isaia 6:3-ah pawh lei pum pui hi a ropuinaa tikhah vek a ni thu a sawi bawk. *Sâm* ziaktu pawh hian Pathian hming atâna hman rim ber chu “lungpui” tih niin, Pathian chu “ka lungpui” ti ngatin a sawi ðhîn” (*Sâm*

18:2,31, 46; 19:14; 28:1; 31:2, 3; 42:9; 62:2, 6, 7; 71:3; 78:35; 89:26; 92:15; 94:22; 95:1; 144:1).

Nebukadrezzara hi chuan a mumanga a hmuh lungin a entîr zawng zawngte chu a hrethiam ve vek kher lo mai thei a; mahse, Bible chhiar thîn leh a chhûng thute hre bel deuh chuan lungpui tih chu Pathian chatuan rorêlna nênzawm tlat a nihzia an hre thung ang.

3. A mumangin a huam chin

A hmasa berin, he mumang hian Babulon Lalram hun aţanga tâwpna hun thleng a huam a ni tih kan hre tûr a ni a. He mumang hi milem be mite lal hnênah pêk niin, lalte Lal chu mihring lalram zawng zawng chung a thuneitu sâng ber a ni tih hriattîr a duh a ni. He mumang hmang leh a hnua Daniela hrilhfiahna hmang hian Nebukadrezzara chuan mihring chanchin awmzia a lo hrethiam ta rêng baw k a ni. A dawtah chuan, mumang hrilhfiahna chu Daniela hnênah Pathianin a pe hi a ni a.

Babulon mi thiam, mumang hrilhfiah dân nasa taka lo zir thîn leh lehkhabu ropui tak takte pawh ziak tawhte chuan Nebukadrezzara mumang chu an hrilhfiah theih miah lo tih an inhmu chhuak a nih kha. Pathumnaah chuan, khawvêla lalram lo awm tawhte entîrtu milim lian tak chu kan han mitthla hian milimin a entîr eng emaw zât chu tûnah pawh hian an la dîng reng a ni tih kan hria a. Nimahsela, lalram hrang hrang indawtte entîrtu milim chu kan han thlîr hian tâwpna hunah kan chêng tawh a ni tih kan hre thei a; chutihrual chuan, hêng thilte hi a indawtin lo thlen chho zêl mah se, lo chu a lo lang ngei dâwn tih erawh kan ring ngam thei thung baw k. A pali-naah chuan he mumang hi Daniela ţawngţâina nênzawm tlat a ni tih kan hre tûr a ni. Daniela ţawngţâina hi bung 2-na thupui ber a ni a, Pathian finna leh thiltihtheihna chungchâng sawina pawimawh ber a ni baw k (*Dan. 2:20–22*).

ṬHEN 4-NA: NUNA BEL TÛR

- ❶ Mumang hmangin Pathianin thil a rawn hrilh ve tawh rêng rêng che em? Zâna mumang i neihte kha eng tin nge hrilhfiah i tum ṭhin le? I mumangte kha thil eng emaw helhkham i neihte avânga lo thleng, i mangphan mai mai a ni em? Nge ni a, Pathian hnên aṭanga thuchah i dawn zâwk? I mumang kha Pathian hnên aṭanga i dawn a ni tih eng tin nge i hriat theih ang?
- ❷ Pathian chuan Nebukadrezzara hnênah mumang pe-in chu a mumangah chuan a la hriat ngâi lohte hriattîr nân a lo hriat ṭhan tawh sate a rawn hmuhtîr a. Mi dangte hnêna chanchin ṭha kan hrilhna kawngah hian hetiang deuha tih ve dân kawng hi a awm ang em?
- ❸ Tûn kêr zirlâi hian mahni inenfiahna tûr ṭhenkhat min kawhhmuh a. Hêng a hnuaia zawhnate hi i zirlâite hnênah khân zâwt ang che:
 - Danielan a chungchâng thu Pathian hnêna a thlena rilru hahdam taka a awm ang khân eng tin nge Pathian chu ring ngam takin ka awm ve theih ang? Daniela leh a ṭhianten Babulon sawrkâr tâna hna an thawh phaha chanchin ṭha an hril ang hian kei pawhin rawngbâwlna ka thawk ve thei tho ang em?
 - Ka nunah hian eng pawh lo thleng se, Pathian ka ring zêl thei tho ang em? Ka harsatna tawhte chin fel nân hian a thiltihtheihna leh finna ka mamawh a ni tih ka hria em? I chhâna chu sawfiah deuh la.
 - Danielan lal mumang a hrilhfiah theih pahna ang Pathian pêk finna kha ka neih ve ngei a ngaihna tûr chona eng engte nge ka hmachhawn mêk le? Khatiang finna bawk kha Pathianin min pe ve thei tho a ni tih ka ring ngam em? Eng vânga ring ngam emaw, ring ngam lo emaw nge ka nih le?

- **Eng tiang kawngtein nge Nabukadnezzara mumangin thuchah a ken hian beiseina nêna nung thei tûr min tanpui le?**

INSIDE STORY

MEI KAN THEIH LOH LEHKHABU

By Andrew McChesney, Adventist Mission

NIGERIAN zirlai pakhat chuan kâng-mei vângin a thil neih zawng zawng a chôn a, mei chu a sat êm vângin tui pipe-te pawh a kâng sawr chhe vek a, mahse thil pakhat kâng chhe vê lo a hmuh chuan mak a ti ngêi mai! Chû chu Pi White-i lehkhabu *Beiseina Ropui (Indona Ropui kaihtâwi)* tih bû chu a ni.

Chû zirlai hming chu Olajide Oluwatobi Igbinyemi a ni a, lehkhabu chu uluk takin a chhiar nghâl ta char char a, tualchhûng Seventh-day Adventist biak inah a kal nghâl a, chû kohhran member pakhatin lehkhabu hmanga rawngbâwlna nîa a pêk a ni ngêi ngêi.

Ani chuan, “Hê lehkhabu hi a ropuiin, mak danglam tak a ni,” tiin kohhran member-te hnênah chuan a hrilh a. Ani chuan chû lehkhabu kâng vê hauh lo mai chu a lek chhuak vâ a, member-te pawhin mak an ti vê hlê a.

“Hetiang lehkhabu hi ka la hre ngai rêng rêng lo. Mak ka tih êm avângin ka chhiar zo thuai mai a ni,” a ti a.

Anni hi Nigeria ram khawpui hmâr chhak lam KM 220 vêla hlâ, Ede khuaa chêng, kum 30 mî a ni a. Hêng lai vêla Adventist-te leh khawvêl huap Adventist-ten Mission to the Cities tih hmanga khawvêl puma Pathian thu chuanna lehkhâ bû leh phêk tûklehdingâwn khat sem chhuak tûra hmalâkna pêng khat chu kalpuiin, *Beiseina Ropui* tih bû chu an sem a. Kuarter tin hian a copy sâng têlin ‘Great Hope Day’ tih niin an sem chhuak ziah thîn a ni tih Nigeria rama Osun Conference President Joseph Adebomi chuan a sawi.

Kum 2018-a Ede khuaa Federal Polytechnic higher education zirlai Igbinyemi chuan chû lehkhabu copy chu dawng vêin, chhiar tha hman lo vin a zin chhuah san a; chû lehkhabu chu a in luah hawhah a kalsan a ni. Ina a lo hâwn leh chuan a in chu a lo kâng vek tih a hmû a, a zirlaibu te, thutthlêng leh hmanraw neih zawng pawh a kâng vâp vek a. Thirte pawh a kâng sawr chhe vek a ni.

Kâng mei chhuah chhan pawh an hre mai lo. Mahse, Igbinyemi chuan mei vâp chu a thâi let vêl mai mai a, chutah chuan *Beiseina Ropui* bû chu a thâi chhuak ta a ni.

Chû mi nî chuan a chhiar chhuak nghâl a. Tûnlai khawvêl buai tak chungchâng khawvêl chanchin leh hrilhlâwkna aṅanga chhuina a ni. Tichuan thil awmzia Adventist mîte hnêna hrilh tûrin a kal ta thuai a.

Ani chuan an hnênah, “In lehkhabu sem ropuizia hi in hre lo. A chhûngah hian Pathian thiltihtheihna a chuâng a ni!” tiin a hrilh lêt ta zâwk mah a.

Igbinyemi chuan mipui hmâah thingthîin, Pathian hnênah lâwmthû a sawi zui ta nghâl a.

Chû thil thleng chungchâng chuan Nigeria rama Osun bial vêla mîte thinsung khawihin, an rinna pawh a tichak sawt a.

Pastor pension tawh, tûnhma deuh lawka West-Central Africa Division executive sec-retary lo ni tawh, Onaolapo Ajibade chuan, “Bible kâng ral thei lo tih thûte hi chu ka lo hre vê tawh a, mahse lehkhabu dang kâng ral thei lo an sâwi âwm rêng rêng ka la hre ngai lo! Hei hi thil mak tak chu a ni! Hrilhlâwkna Thlarau bûte min ngainat zualtîr sawt a ni,” a ti vê hial a ni.

